

+ Maternidad



Estadia na
Departamento di
Maternidad



Ta recomendabel pa ya na di 7 luna tin empaketa no solamente e tas di e baby sino tambe e tas di e mama.

E siguiente articulonnan ta esencial pa e mama tin den su tas:

- 7 of 8 carson di abou (no dental floss)
- 5 diferente bh di catuna specialmente pa duna pecho;
- 5 diferente yapon (si nan ta transparente, por favor tambe trece un bata);
- Habon, deodorant, skeiro y pasta di djente;
- Slof di plastic pa usa na momento di baña;
- Skeiro pa cabey, banchi pa cabey, make-up y si ta bebe remedi trece esaki tambe.

Por favor empaketa tur cos den un tas/ maleta chikito.

E siguiente articulonnan ta esencial pa tin den tas pa e baby:

- 5 pechi;
- 5 flanel;
- 5 paña pa drumi cu manga y pia largo;
- 5 paar de mea;
- 5 paar di handschoen;
- 1 deken chikito;
- Peña y skeiro chikito pa cabey.

Riba departamento di Maternidad no ta duna lechi den tetero, solamente riba indicacion medico. Conhuntamente cu bo partera bop or cuminsa stimula bo pechonan pa asina ora e momento yega bop or duna e baby lechi di pecho. Si ta necesario corda cumpra "tepelhoedjes" (breast shields).

Seguro

Si bo ta segura "klasse" mester corda regla na tempo e carta di garantia y trece esaki na momento di admicion.

Inscripcion Censo

E mayornan tin 5 dia e posibilidad pa inscribi e baby despues di su nacimiento. Pa facilita e proceso e trahador di Censo tey riba dialuna, diaranson y diabierna entre 9:30 te cu 10:30 di mainta.

Bo mester tin cu bo

- Carchi di nacimiento cu e number y e informacion corecto di e baby, carchi ros ta pa mucha muher y carchi blauw ta pa mucha homber;
- Mayornan mester tin e nombenan corecto di nan baby;
- Si e mayornan di e baby ta casa, nan mester bin cu nan buki di casamento (trouwboek) y si no ta casa, tur dos mester bin cu un identificacion valido (I.D., paspoort of rijbewijs). Tene na cuenta cu e partner mester ta presente;
- Si un di e mayornan of ambos mayor no ta di nacionalidad hulandes, nan mester trece un permiso di trabou y estadia valido y;
- Mamanan menor di edad mester bini cu un di nan mayornan.

AZV

Mester entrega e polisa y e carchi di AZV den un siman cerca e administracion di opname di Hospital. Pa por regla esaki mester hiba e baby pa saca potret hunto cu e registro di nacemento y tambe e uitreksel di Censo.

Cuido di e baby

Cuminsando pa 8:30 di mainta ta duna splica-cion con pa cuida e baby. Si e tata ta desea di ta presente e mester haci un cita un dia prome cu e enfermera.

Orario di bishita

Solamente e tata tin derecho riba e carchi di e bishitante. E carchi aki ta valido entre 9or di mainta te cu 8or di anochi. Pa tur otro miembro di famia, otro yiunan y tambe conocirnan ta conta e orario di bishita general di hospital.

No ta permiti pa sinta riba mesa y tampoco sinta ni drumi riba e cama. Bishitantenan no ta permiti pa haci uso di e baño situa den e camber di patient. E baño aki ta solamente pa e mamanan.

Ontslag

E ontslag ta tuma lugar despues di 10:30 di mainta. Si despues di a lesa e foyeto aki bo ta interesa, ta posibel pa haci un "rondleiding" riba departamento di Maternidad. Pa haci esaki bop or yama libremente departamento di Maternidad pa traha un afspraak.

Pregunta?

Pa cualkier pregunta of duda por tuma contacto cu

Departamento di Maternidad

Telefon 527 2460

